

**Stefna Samfylkingarinnar
og óháðra í
Borgarbyggð 2018**



Fræðslu- og tómstundamál

Eitt mikilvægasta verkefni sveitarstjórnar á hverjum tíma er að standa við bakið á og efla lærdómssamfélagið Borgarbyggð. Skólarnir okkar, nemendur, starfsfólk og í raun allir íbúar mynda þetta samfélag. Skólarnir þurfa að hafa frelsi og tækifæri til nýsköpunar í skólastarfi og til að efla sitt innra starf. Nauðsynlegt er að vinnuumhverfi nemenda og starfsfólks sé til fyrirmyndar.

Samfylking og óháð vilja standa vel að þeim framkvæmdum sem nú eru að hefjast, byggingu á fjölnota sal við Grunnskólann í Borgarnesi og leikskólans Hnoðrabóls á Kleppjárnsreykjum. Huga þarf jafnframt að viðhaldi og endurbótum í öðrum skólum, skólalóðum og íþróttamannvirkjum um allt sveitarfélagið. Stuðla þannig að alhliða þroska, lýðheilsu og almennri heildstæðri menntun allra barna og ungmenna í Borgarbyggð.

Samfylking og óháð vilja:

- Halda áfram að taka markviss skref í því að brúa bilið milli fæðingarorlofs og leikskóla.
- Meta þörf fyrir aukið rými á öllum skólastigum og gera langtímaáætlanir um uppbyggingu.
- Bæta aðstöðu nemenda og starfsfólks skólanna með því að styðja vel við uppbyggingu og endurbætur í skólunum.
- Efla stoðþjónustu í leik- og grunnskólum með áframhaldandi áherslu á teymisvinnu skólaþjónustu og fagaðila.
- Bæta aðstöðu til íþróttaiðkunar með viðhaldi og uppbyggingu íþróttaaðstöðu í öllu sveitarfélaginu.
- Hefja hönnunarvinnu vegna stækkunar íþróttahúss í Borgarnesi þannig að það verði næsta stóra framkvæmd sveitarfélagsins.
- Aðbúnaður í skólum verði til fyrirmyndar fyrir nemendur og starfsfólk, húsnæði og skólalóðir örugg og heilsusamleg og tæknibúnaður í lagi.
- Hvetja til aukinnar samvinnu milli skóla í sveitarfélaginu.
- Auka þjónustu í skólum við börn af erlendum uppruna.
- Styðja vel við heilsueflandi samfélag m.a. með því að setja upp svæði með útiæfingatækjum og leggja göngu- og hjólastíga.
- Ljúka gerð íþrótt- og tómstundastefnu og fylgja henni eftir.

Velferðarmál

Þjónusta og stuðningur við þá sem á þurfa að halda er veigmikill þáttur í starfsemi sveitarfélagsins. **Samfylking og óháð** vilja að áfram verði leitað samráðs við þjónustuþega um mótun stefnu í þeirra málum. Tryggja þarf að aðbúnaður og húsnæði sé til fyrirmyndar og tækifæri til virkni sem flest.

Samfylking og óháð vilja:

- Hafa frumkvæði af samstarfi við leigufélög sem rekin eru án hagnaðarsjónarmiða um uppbyggingu á leiguhúsnæði.
- Tryggja stöðu sérfræðinga og starfsfólks á velferðarsviði með virkri og markvissri mannauðsstefnu sem miði að því að laða að fólk til starfa.
- Styðja vel við samstarf Borgarbyggðar og heilsugæslu með velferð íbúa að leiðarljósi. Sérstaklega þarf að huga að geðheilbrigðismálum.
- Auka atvinnumöguleika fólks með skerta starfsgetu og fjölbreytni verkefna í Öldunni.
- Vera opin fyrir móttöku flóttafólks.

Upplýsingamál og þátttaka íbúa

Aðgengi að upplýsingum er grundvöllur að virkri og málefnalegri umræðu í samfélaginu. Miðlun upplýsinga stuðlar að jákvæðri ímynd og mikilvægt er að tryggja aðgengi íbúanna og annarra hagsmunaaðila að upplýsingum um starfsemi sveitarfélagsins. **Samfylking og óháð** vilja hrinda í framkvæmd þeim áherslum sem koma fram í drögum að stefnu í upplýsingamálum og þátttöku íbúa. Stefna að markvissara íbúasamráði og þátttöku íbúa sem nýtist við stefnumótun og ákvarðanir sveitarstjórnar.

- Ráða markaðs- og kynningarfulltrúa.
- Leitast sífellt við að halda vef Borgarbyggðar í fremstu röð upplýsinga- og afgreiðsluvefja sveitarfélaga, hann verði notendavænn og upplýsingaleit á honum auðveld.
- Nýta samfélagsmiðla með markvissum hætti.
- Veita fullnaðarupplýsingar á rafrænu formi þar sem mögulegt er, á vef Borgarbyggðar eða í afgreiðslu sveitarfélagsins. Þetta er gert til að hraða og einfalda afgreiðslu erinda.
- Veita upplýsingar á fleiri tungumálum en íslensku á vef Borgarbyggðar.
- Fullnýta möguleika íbúagáttar og kortasjár. Gefa íbúum kost á aðgangi að eigin gögnum varðandi þjónustu og samskipti við sveitarfélagið, s.s. um stöðu mála og umsókna.
- Að samráð við íbúa verði markvissara og hnitmiðaðra.
- Opna í vaxandi mæli aðgengi að fundum með rafrænum leiðum með streymi og upptökum.

Umhverfis- og skipulagsmál

Skipulagsmál þarfnast sjálfsskoðunar hjá sveitarfélaginu. Við verðum að vera óhrædd við að horfa á það sem betur má fara í þeim málum og ófeimin við að rýna verk okkar til gagns. Það þarf að efla stjórnsýsluna, stytta afgreiðslutíma mála og auka skilvirkni. Í því sambandi er mikilvægt að byrja nýtt kjörtímabil á stöðugreiningu á skipulagsmálum og fara strax í kjölfarið í nauðsynlegar umbætur.

Samfylking og óháð vilja:

- Hefja kjörtímabilið á stöðugreiningu í skipulagsmálum og rýna það sem betur má fara.
- Unnið verði rammaskipulag í Borgarnesi með það í huga að þétta byggð.
- Stytta biðtíma afgreiðslumála, auka skilvirkni og ánægju starfsfólks og þjónustuþega.
- Vera vakandi yfir þeim stórframkvæmdum sem nú eru að fara af stað á vegum sveitarfélagsins.
- Móta stefnu varðandi framtíðarskipulag í Brákarey.
- Skoða samvinnu við nágrannasveitarfélög í skipulagsmálum.
- Ljúka ljósleiðaravæðingu í sveitarfélaginu öllu.
- Fegra aðkomu í þéttbýliskjörnum og umhverfi í sveitarfélaginu.
- Halda áfram með „Egla tekur til hendinni“ - plastpokalausá Borgarbyggð.
- Beita okkur fyrir bættu umferðaröryggi á vegum innan sveitarfélagsins.
- Þrýsta á stjórnvöld að standa við loforð um gjaldfrjáls Hvalfjarðargöng.
- Beita okkur fyrir bættu umferðaröryggi í gegnum Borgarnes.
- Forgangsraða uppbyggingu áningarstaða í sveitarfélaginu með náttúruvernd og öryggi að leiðarljósi.
- Átak í kynningu á umhverfismálum og flokkun.
- Gera enn betur í flokkun á úrgangi, auka losun og flokka lífrænan úrgang.
- Endanleg ákvörðun um skotæfingasvæði verði sett í íbúakosningu.

Fjármál og stjórnsýsla sveitarfélagsins

Forsenda þess að sveitarfélag geti rækt lögbundnar skyldur sínar við íbúana er að stjórn á fjármálum þess sé ábyrg, markviss og stefnuföst. Upplýsingar um fjármál sveitarfélags veitir mikilvæga vitneskju um stöðu þess og þar er að finna hvernig tekjum þess er ráðstafað. **Samfylking og óháð** vilja leggja áherslu á áframhaldandi ábyrga fjármálastjórn. Mikilvægt er að gæta áfram aðhalds í rekstri, vanda áætlanagerð og koma í veg fyrir að reksturinn fari fram úr fjárheimildum. **Samfylking og óháð** vilja auka upplýsingagjöf til íbúa tengda fjármálum og auðvelda þeim að nálgast þær upplýsingar á „mannamáli“.

Samfylking og óháð vilja:

- Áframhaldandi ábyrga fjármálastjórn og vandaðar áætlanagerðir.
- Auka upplýsingaflæði og gangsæi varðandi fjármál sveitarfélagsins.
- Fjölga íbúum í sveitarfélaginu og þar með auka tekjur.
- Lækka fasteignagjöld þannig að þau verði í takt við það sem gerist í sambærilegum sveitarfélögum.
- Samræma innkaup í sveitarfélaginu og ná fram hagkvæmni í innkaupum.
- Skilgreina og bæta verkferla. Innleiða umbótamiðað vinnulag í stjórnsýslu með gæðahandbók.
- Heimasíða sveitafélagsins verði gagnvirkari og auka rafræna þjónustu.
- Halda áfram að efla mannauðsmál.
- Koma á reglulegum samstarfsfundum sveitastjórnar og starfsfólks stjórnsýslu.
- Efla starfsemi Slökkviliðs Borgarbyggðar.

Atvinnumál og menning

Mikil uppbygging hefur orðið á svæðinu í tengslum við ferðapjónustu. Nauðsynlegt er að styðja vel við fyrirtæki og atvinnugreinar sem fyrir eru í sveitarfélaginu. Í því sambandi ber að nefna lóðir, ljósleiðara og þriggja fasa rafmagn. Við viljum laða til okkar fleiri fyrirtæki bæði stór og smá. **Samfylking og óháð** ætla að þrýsta á stjórnvöld að hraða lagningu þriggja fasa rafmagns.

Styðja vel við það markmið í menningarstefnu Borgarbyggða að styrkja og efla menningarlega vitund íbúa og þar með innviði samfélagsins. **Samfylking og óháð** vilja styðja myndarlega við menningarstarfsemi í sveitarfélaginu m.a. með því að ráða til starfa markaðs og kynningarfulltrúa sem vinni með stofnunum og stjórnslu. Þannig verði hægt að gera menningarstarfsemi hærra undir höfði.

Samfylking og óháð vilja:

- Þrýsta á stjórnvöld að hraða lagningu þriggja fasa rafmagns.
- Láta lagningu ljósleiðara ganga hratt og vel fyrir sig.
- Auglýsa þær atvinnulóðir sem lausar eru í sveitarfélaginu og skipuleggja fleiri.
- Móta framtíðarsýn varðandi íbúafjölgun, fjölgun atvinnutækifæra, þjónustu við ferðamenn og ánægju íbúa.
- Styðja við frumkvöðlastarf og nýsköpun.
- Auka opnunartíma og kynna betur starfsemi Safnahúss með það að markmiði að fjölga sýningargestum og auka þar með tekjur safnsins.
- Kanna möguleikann á að stofna varðveislusetur fyrir safnmuni Borgarbyggðar í samstarfi við nágrannasveitarfélög.
- Styðja við samvinnu á milli þeirra sem starfa á sviði menningar í sveitarfélaginu.
- Ráða markaðs- og kynningarfulltrúa m.a. til að koma betur á framfæri blómlegu menningarlífi héraðsins.
- Efla Hjálmaklett sem ráðstefnu og menningarhús með aukinni markaðssetningu.
- Kynna betur möguleikann á leigu á málverkum í eigu sveitarfélagsins til fyrirtækja og stofnana.

Listi Samfylkingarinnar og óháðra í Borgarbyggð 2018

1. Magnús Smári Snorrason sveitarstjórnarfulltrúi, Borgarnesi
2. María Júlía Jónsdóttir hársnyrtimeistari, Borgarnesi
3. Logi Sigurðsson sauðfjárþóndi, Steinahlíð Lundarreykjadal
4. Margrét Vagnsdóttir sérfræðingur á fjármálasviði við háskólann á Bifröst
5. Kristín Frímannsdóttir grunnskólakennari, Borgarnesi
6. Jón Arnar Sigurþórsson varðstjóri, Borgarnesi
7. Sólveig Heiða Úlfisdóttir háskólanemi, Borgarnesi
8. Dagbjört Diljá Haraldsdóttir nemi við Menntaskóla Borgarfjarðar, Borgarnesi
9. Sölvi Gylfason kennari og knattspyrnuþjálfari, Borgarnesi
10. Inga Björk Margrétar Bjarnadóttir baráttukona fyrir réttindum fatlaðs fólks, Borgarnesi
11. Ívar Örn Reynisson framkvæmdastjóri, Ferjubakka IV
12. Haukur Valsson slökkviliðs- og sjúkraflutningamaður, Borgarnesi
13. Guðrún Björk Friðriksdóttir viðskiptafræðingur og verkefnastjóri Háskólanum á Bifröst, Skálpastöðum
14. Jóhannes Stefánsson húsasmiður, Ánabrekku
15. Jón Freyr Jóhannsson háskólakennari, Bifröst
16. Ingigerður Jónsdóttir eftirlaunabegi, Borgarnesi
17. Sveinn G Hálfðánarson fyrrverandi formaður Stéttarfélags Vesturlands, Borgarnesi
18. Geirlaug Jóhannsdóttir sveitastjórnarfulltrúi, Borgarnesi